

近代中國史料叢刊第二十三輯

沈雲龍主編

張靖達公（樹聲）奏議

何嗣焜編

文海出版社印行

張

公

八

靖

奏

卷

達

議



張

公

八

靖

奏

卷

達

議



張靖達公奏議卷首

御碑文

朕惟蓋臣宣力彰駿烈於兼圻竹冊銘勳播鴻名於百世宜
鏤琬玉特錫絲綸爾原任兩廣總督張樹聲品植端方才優
幹濟巾箱積學早馳鬢序之名玉帳從征更展戎行之略殊
勳屢建勇號榮褒冠錫雀翎綴朱纓而煥彩服披豸繡巡赤
縣以宣猷始陳臬於京畿風清柏府嗣開藩於晉省星映薇
垣由是持漕節則轉輸著其勤能撫吳疆則瘡痍需其綏輯
建牙攝兩江之任方面躋八座之榮朕眷念成勞仍資倚畀
闕廷展覲黔粵量移甫授南國旌旄旋作北門鎖鑰勇呼爪
士定奇策於藩封捷奏膚公晉升銜於宮保屬以海氛不靜
嶺嶠遄歸重畀師干再持節鉞念治軍之旁午克矢勤劬偶
分過於同寅還從原宥乃抱微疴之染乞解總制之權暫息

仔肩仍需使臂方望玉關露布迅奏凱歌何期珠海星沈遽
悲溘逝爰頒典禮悉免愆尤綜厥生平諡爲靖達於戲松楸
在望千年懷麟閣之勳金石不磨萬里煥螭文之色欽茲巽
命峙爾豐碑

諭祭文

朕惟嚴疆作鎮鞠躬彰節鉞之勳彝典酬庸椒醑展馨香之祀爰頒鳳綽式啟雕筵爾原任兩廣總督張樹聲恪謹持躬篤誠秉性青年食餼芹泮蜚聲黃綬分符棠封發軔值東南之多事乃慷慨而從戎佐奇策以立功頭銜迭昇錫嘉名而襄勇心簡榮膺淮徐著察吏之猷畿甸進提刑之秩甫開藩於三晉績懋旬宣旋督運於千艘勳成飛輓撫綏江左奠萬里之河山保障天南攝中權之旄鉞泊乎闕服來都入朝展覲黔中嶺右仍除開府之尊象郡羊城遂擢總師之任未幾畿疆移節靖東藩而榮晉宮階既因嶺海需才返南土而重開戎閫鴻歸方歌夫遵渚豕突忽警於邊庭念荒服之迢遙長鞭莫及賴元戎之坐鎮安堵無驚既盡瘁以籌師偶因勞而邁疾疆符暫卸兵柄專司期卿月之長輝胡將星之遽隕

遺章披覽軫悼良深用沛丹綸俾光青史於戲聽鼓鼙而思
將帥猶緬懷貔虎之勳治馨香而感神人尚默助鯨鯢之掃
爾靈不昧式克歆承

兩廣總督張之洞
兵部尚書彭玉麟
廣州將軍長善
廣東巡撫倪文蔚

會奏積勞病故臚陳事蹟摺

奏爲辦理防務大臣積勞在營病故謹臚陳事蹟請

旨優卹恭摺仰祈

聖鑒事竊前兩廣督臣張樹聲於交卸督篆後出駐黃埔親督各軍籌備戰守日前患病增劇暫回省城醫治均經該前督

奏報在案臣等連日前往問病見其病勢愈篤竊以爲憂茲據該前督家屬具報張樹聲於九月初八日申刻病故等情前來臣等伏查張樹聲安徽合肥縣廩膳生家世儒素樹聲少負志節讀書好爲深沈之思尤究心經世之學咸豐初年粵逆方張皖北盜賊蜂起樹聲率其弟已故廣西右江鎮總兵樹珊團鄉兵築土堡拒賊遠近豪俊奉約束惟謹大股悍

賊來擾屢挫其鋒淮軍宿將如前直隸提督劉銘傳前廣西
右江鎮總兵周盛波湖南提督周盛傳等皆樹聲所與聯團
禦侮者同治元年今大學士直隸督臣李鴻章督師赴上海
令樹聲募勇從樹聲爲言劉銘傳及周氏弟兄才武左提右
挈各建旗鼓淮軍之興實樹聲爲之倡也李鴻章克平江南
先後數百戰樹聲靡役不與三年蘇浙肅清四年樹聲補江
南徐海道銅沛鏡內湖團客民與土民日尋鬪爭幾肇兵端
適捻眾東竄湖團謀句賊時故大學士曾國藩駐軍徐州檄
飭查辦樹聲督同府縣分別良莠隨宜留遣酌定善後事宜
安甯已亂徐人至今頌之是年十一月擢直隸按察使五年
五月到任先是捻首張總愚在運河東路竄擾連月樹聲督
辦省南河防躬勸督各鄉設團築寨爲守望計民感其誠凡
官令修墻浚濠之事得樹聲一檄婦子皆荷畚鍤恐後緣河

堡寨千里屹然遇警悉持械晝夜登埤賊屢撲運河不得渡遂殲馬直隸訟案積壓萬餘件吏治之疲民生之困均由於此曾國藩時爲總督與樹聲籌清釐之法譏清訟事宜限期功過章程樹聲實力奉行積案全數清結量移山西旋擢布政使十年十二月

簡授漕運總督調署江蘇巡撫甫兩月復署兩江總督遂補授江蘇巡撫所至孜孜求治吏畏民懷望實益隆矣十三年丁憂回籍光緒四年冬服闋赴都五年正月奉

旨補授貴州巡撫未至黔調撫廣西值粵將李揚才出邊擾越南越之北圻夙多土匪李揚才旬結各股蔓延四出勢益張西省出兵剿辦師久無功樹聲至激厲軍心考核地勢與提督馮子材計畫方略數月之間元惡授首餘黨悉平是年十一月補兩廣總督廣東嶺海奧區二十年來治粵者習爲

寬弛紀綱消紊庶事墮廢吏疵軍敝膠固難理樹聲正己率屬首劾監司鎮將之不職者調李用清段起諸人任以整軍理財各事表朱次琦陳澧之學行以示風厲風氣翕然一變八年春調署直隸總督兼辦理通商事務大臣朝鮮忽內亂燬日本使館日本兵艦連檣向仁川內訌外偏李氏宗社幾危樹聲得報先遣兩兵輪東渡觀變廣東水師提督吳長慶統軍駐防登州樹聲知其可任飛函令部署出師調集兵商各輪由登州橫海而東一日夜吳長慶率所部三千人齊達仁川直入朝鮮國都取李昰應送天津先後十日國中大定日本大將海軍卿頓兵海口相顧錯愕狡謀不敢發皆樹聲策也於時樹聲方病累疏乞退皆蒙溫旨慰留給假調理九年秋法蘭西用兵越南粵防日亟樹聲奉

命迅速回任力疾銷假七月航海抵粵察看海防則兵餉俱缺礮臺槍礮水雷一切備禦之具蕩焉無有警報且日夜數至樹聲由津南來時卽購帶哈乞開司毛瑟各兵槍克虜伯過山各礮並奏帶江南舊部提督吳宏洛淮勇五營今駐長洲併力扼險築新式礮臺益遣將募兵訓練分布要害復電致外洋訂購克虜伯大礮二十餘尊毛瑟精槍數千桿及虎門長洲應用水雷電線炸藥棉藥之屬刻期運到是年冬臣玉麟至粵復與樹聲及臣長善臣文蔚通力合作臣之洞到任以來措置一切得有所憑藉者樹聲經營先事之力爲多樹聲旣以病開缺遵

旨督所部辦理粵防交卸後卽親駐黃埔行營督率諸將備戰守日登山涉海相度形勢講求礮準及攔河阻船安雷發電截擊援應各事炎暑鬱蒸海風尤厲病體中之遂不支臣

等以營中醫藥均艱力勸暫至省城調治終以積勞過甚受病已深服藥亦不效臣等間日走視蕭然布被伏枕支離惟以外患未平

聖恩未報流涕嗚咽無一語及私昏瞶譖語率皆部勒防務語或大呼開礮擊賊聞者悲之樹聲忠偉誠懇識量過人平時治事纖悉縝密若拘謹已甚遇大利害當機立斷無稍回惑卽如朝鮮之役非樹聲赴機神速其不爲越南前事者僅矣臣玉麟老病日甚臣之洞臣文蔚未爛軍旅方藉張樹聲相與共濟是以出關援閩樹聲一再奉

命慷慨治行均經臣等籲留不謂其一病不起齋志長逝臣等檢閱其書疏彙草所言經營海疆諸策類多深識苦心時事方艱一時封疆舊臣如樹聲之文武兼資通達中外機要者已不多有今乃俄馬彫謝不獨臣等痛失同志之助尤不

能不爲

國家惜此人也合無仰懇

天恩敕部照總督軍營積勞病故例從優議卹並將該前督事迹

宣付國史館立傳以彰忠蓋張樹聲受

列聖知遇爲

國大臣以死勤事予諡建祠諸曠典

聖明自有權衡非臣下所敢擅請而該前督生平志事勲績臣等誼屬同官知之旣稔不敢不撮其犖犖大者臚舉

上聞張樹聲長子舉人戶部員外郎張華奎次子附生張雲霖三子張雲鵠年未及歲所有辦理防務大臣在營積勞病故緣由謹合詞恭摺具陳伏乞

皇太后

皇上聖鑒訓示再張樹聲遺摺現據該前督家屬呈請代
進合並聲明謹
奏

大學士直隸總督李鴻章 奏請在原籍建立專祠片

再前因已故兩廣總督張樹聲勲勞卓著遺愛在民臣據直隸紳士公呈並撮舉吳中戰績奏奉

諭旨准予直隸江蘇立功地方建立專祠咨行欽遵在案茲據安徽廬州府合郡紳士江蘇題補道吳毓芬等三十人聯名稟稱咸豐三年以後粵逆竄擾皖北廬郡一帶土匪蠭起內外交訌幾致不可收拾經張樹聲與其弟原任廣西右江鎮總兵張樹珊毀家紓難倡辦鄉團擒治土寇後率練勇出境剿賊迭克含山六安英山霍山潛山太湖無爲州太湖縣一役以五百人當前敵破逆酋陳玉成數萬之眾嗣桐城官軍潰退廬郡失守粵賊到處裹脅焚殺捻逆龔張孫苗諸大股往來肆擾張樹聲嚴申禁令不准鄉民從賊先平肥西匪寨繼敗捻酋張洛刑于官亭就周公山下堅築堡寨阻河爲

險陳玉成又率悍賊兩次圍攻皆設計敗之遠近襁負來歸之民咸知其制寇有方相依爲命力行堅壁清野之法張樹聲與諸團長講信修睦聯絡援應如劉銘傳周盛波周盛傳唐定奎等皆同時築堡禦賊百數十里閒寨壘相望耕戰相資屹立賊藪中六七年南仇粵逆北拒捻氛大小數百戰斬馘無算厥後練成淮軍剿平粵捻實由此立其基張樹聲以一諸生倡率忠義支柱艱危罕有其匹迄今父老追思往往隕涕惟原籍祀典尚缺請一體建立專祠以資報享等情前來臣查軍興以後有功桑梓諸臣皆蒙

恩准於原籍建祠近如已故將軍富明阿經吉林紳士呈請入奏亦蒙

俞允張樹聲於咸豐年間在原籍號召鄉人倡辦團練勸築堡寨迭挫兇燄方張之寇使六七年中百餘里閒賊不敢逞

其保全桑梓捍衛地方厥功甚偉其時臣在皖楚軍營襄事習聞親見知之較詳今該紳士等聯名籲請出於愛戴至誠未忍聽其湮沒相應仰懇

天恩俯准將已故兩廣總督張樹聲在原籍合肥縣一體建立專祠由地方官春秋致祭以彰蓋績而順輿情出自逾格隆恩理合附片具陳伏乞

聖鑒訓示施行謹

奏

勅建張靖達公天津專祠碑文

光緒十有一年夏五月

天子用大臣言

詔直隸特建專祠祀前署北洋大臣直隸總督張靖達公以表遺愛既二十有四年公子湖北候補道煜林卜建天津府城北郊三條石後街告成堂廡儀器一依

會典而具入主之吉合紳耆士庶文武官寮奔走後先凡數百人一時推爲盛事維公由兩廣總督調任

畿輔時在八年值朝鮮內亂假奉大院君爲名日本乃乘隙而起議出兵輪向仁川以偪國都公得報以爲東藩若蹈琉球覆轍則北洋三口無以自立腹心疾也亟檄駐防登州廣東水師提督吳長慶統所部橫海而東入據朝鮮都城取大院君以歸內外遂定而日本兵輪後一日始至海口相顧錯

愕成謀大沮自是朝鮮列封貢如舊制者又十數年當是時朝廷蓋深矐之

特加太子少保銜先是公由江蘇徐海道擢直隸按察使值東西二捻賊縱橫竄擾勤王諸軍環四境馳逐凡逾數月公出入行閒力贊隄防圈制之議卒以戡定而阨守黃河北岸申嚴兵律諸軍因之斂戢感民尤深競作歌頌傳播千里公

嘗謂

中興善後在勤恤民隱盡心獄訟以培元氣弭亂源會曾文正公移督直隸與公意合譔清訟事宜嚴定功過凡積案萬有餘牘一掃括絕公旋調山西文正公留竟其功迄今奉爲成法公諱樹聲安徽合肥人初以縣學廩膳生家居遭粵寇之亂團結鄉民保衛閭里遂立淮軍始基卒領樹字全軍與平江蘇全省歷官山西布政使漕運總督兩江總督江蘇貴

州廣西巡撫兩廣總督以越南軍與卒廣東防營

詔予諡優卹並於江蘇省城合肥縣城建立專祠事詳

國史今天津祠成例得刻石著辭昭示方來謹具

聖世旌功之典下永斯民懷德之忱馬直隸總督始雍正三年駐保定爲省會同治十年乃兼領北洋大臣移駐天津公祠在天津以此爰綴之詩詩曰

公爲儒宗首戡大亂卒起民衰道惟一貫巖巖

畿甸俯視萬千藩維不守蔑經與權公有先知當機立決靈爽九天遺恨誰雪輿誦在茲萬夫一口駿奔祠下晉以椒酒惟民有心遠邇不忘惟

帝有恩褒顯無量緬思眷昧勛以多文撫今追昔不述何聞

東海滔滔逝日罔復名從德劭代徵史祝

候選主事世襲騎都尉桐城徐宗亮撰文

張靖達公奏議敘目

御碑文

御祭文

兩廣總督張之洞
兵部尚書彭玉麟
廣州將軍長善
廣東巡撫倪文蔚

會奏積勞病故臚陳事蹟摺

大學士直隸總督李鴻章 奏請在原籍建立專祠片

天津專祠碑文

卷一 吳中橐十篇

卷二 桂海橐十四篇

卷三 桂海橐十八篇

卷四 嶺南前橐二十一篇

卷五 嶺南前橐十六篇

卷六 畿輔橐三十一篇

卷七 嶺南後彙十六篇

卷八 嶺南後彙十七篇

合肥張靖達公以光緒十年九月薨於廣東越五年長
公子靄青觀察之官四川始舉 公奏草付武進何嗣
焜屬爲編次未及卒業而索回二十一年靄青遽歿於
川東道任又三年其弟次青觀察仍檢寄焉 公歷官
南北垂二十年惟撫吳時嗣焜未從厥後建節所至常
厠府僚吏政軍謀咸所睹記絲綖之際尤懇懇以身後
千秋相屬追惟疇昔悲從中來發篋陳書釐爲八卷都
一百四十三篇其尋常吏牘近於胥史所爲者皆不列
於此浼江陰繆藝風編修貴池劉蔥石觀察訂正付梓
二十五年八月工竟嗣焜乃敘其後曰 公以諸生值
世亂與鄉里豪俊用忠義相勸勉聯團禦侮卽受知於

湘鄉曾文正公其後分巡徐海提刑直隸親炙於曾公
尤久故公雖起家淮軍而冲然深遠之思欲然不足
之意好學不倦折節下士風采可惠愛皆有湘鄉之流
風餘韻焉戊寅壬午之閒

主聖臣賢眷倚日重公益感激奮厲累建經營越南大治
海軍之策卒用是有所抵觸難端蠶起

天子知公深輒保全之公亦不以是委曲貶節以求容
悅然任事艱苦感憤抑塞臣精銷亡未始不由於此後
世讀公奏議或見公建樹之偉遭際之隆而疑其
常有臨深履薄之意爲不可測識者故特揭之以諭知
人論世之士而其生平行誼勛業之具可考見者不復
贅云

張靖達公奏議卷一目錄

吳中稿

捐修崇明縣城垣摺

善後動用釐金按成酌提摺

整頓省城水陸練勇摺

請建淮軍昭忠祠摺

遞陳蘇省度支短絀情形摺

暫停分發摺

丈田步弓新舊分用摺

疏濬太湖河港工竣摺

運河淺阻江北新漕暫歸海運摺

淮南請建曾國藩專祠摺

張靖達公奏議卷一

吳中臺

捐修崇明縣城垣摺

奏爲捐修崇明縣城垣以資保障委員勘估取結咨部恭摺
先行奏祈

聖鑒事竊照崇明縣城孤懸海外地勢平行溯自前明萬歷
年間創作磚城

國初加築土城依爲脣齒道光二十年咸豐十年兩次告警
事在倉猝均止奏修土城所有原建磚城自明迄今二百八
十餘年坍塌實甚據前署知縣林達泉週歷查勘稟請籌捐
修整由司委員會勘摺節估計實需工料錢三萬八千五百
九十四千零勸諭各捐戶陸續捐輸集有成數因前准部行
捐修城工應於議修議築之始先行奏明存案並委司道大
員前往查勘出結送部方准給獎等因復據接署知縣譚泰

來稟經署督臣何璟在巡撫任內飭委蘇松太道沈秉成前往覆勘確估去後今據署蘇州布政使應寶時署江蘇按察使杜文瀾轉准蘇松太道沈秉成出具印結聲明原估工料並無浮冒會詳請

奏前署撫臣恩錫未及核辦移交前來臣伏查崇明城垣環海爲疆介乎狼福寶佘四山之中鎖鑰長江實爲形勢重地是以

國初特設總兵統師一萬重鎮於此嗣雖裁兵減餉而總兵仍舊駐紮城垣久坍工難刻緩第需費甚鉅當此餉需支絀之際未便請撥

帑項自應勸捐興辦幸各捐戶踴躍輸將實屬急公好義應俟事竣查明捐資各戶以及在事出力員董分別奏明給予獎敘俾昭激勸除將勘估印結咨部查核外謹會

同署兩江總督臣何璟恭摺具

奏伏乞

皇太后

皇上聖鑒訓示謹

奏

善後動用釐金按成酌提摺

奏爲蘇省歷年辦理善後動用釐金現在需款尙多擬請按成酌提以示限制恭摺具陳仰祈

聖鑒事竊查江蘇省城自同治二年十月克復後卽經前撫

臣李鴻章

奏明開辦善後設局經理先之以資遣降眾撫卹災黎繼之以開墾荒田散給牛種定兵勇犒賞之項籌文武辦公之資以及修城池濬河道設書院立善堂葺祠宇建衙署或及時

修舉或次第興辦均所以下拯顛危之眾上溥

浩蕩之仁吳民處水火塗炭中者始有更生之慶無如災傷太酷百物蕩然締構經營委曲繁重歷時既久需費浩繁均經各前撫臣督飭司道權衡緩急銖積寸累而爲之閱今十載雖規模略具而興廢舉墜其事尙多不能不接續籌辦如巡防水陸要隘員弁兵役津貼薪資轉運西北各路餉需軍火製造川費以及重建祀典祠廟公廨各府州縣修葺城垣衙署橋梁溝渠等項工程省城文武月課加獎此外采訪忠義蒐輯志乘會辦洋務刊刻輿圖書籍總核善後收支分別派員設局皆係地方因時補救之計卽爲目前萬難停待之需分用雖屬無多併計卽成鉅款查初辦善後時經李鴻章奏撥餉捐并蘇屬租捐作爲善後之用旋以各屬錢漕次第啟徵捐款日少用款日增不得已隨時提用蘇滬兩局釐金